

Newen debwewinan owi COVID-19 ashowitzo-mashkikiin.

Jitawaaganiwinan ji-onji-aakozising aawinon memaanji nishing awii ginowendaman gdo mina bimaadiziwin. Ashowitzo-mashkikiin wiji nakiimigadoon wiyawing etemigag miigaadang aakoziwin awii zhitowaad gnowenjigewin owi gego aakoziwin. COVID-19 ashowitzo-mashkikiin miigwenaa-aan wiindamaagewin gdo wiyawing gaa-naadamaagemigag miigaadang aakoziwin awii nisdwaabmdang miinwaa miigaadang owi aakoziwin-manijoozhens maagwemigag COVID-19.

Wenpash ashowitzo-mashkikiin ada temigadoon kina gwaya zhinda endaad Gaanada. Kiinsan miinwaa waasa wekamigigon agii zhitonaa-aan waange biigaadeg jitawaaganiwinan ji-onji-aakozising inaknigewinan awii miigweng gewe endajig zhiwe.



Aaniish genji debinaman jitawaaganiwinan ji-onji-aakozising owi COVID-19?

Ashowizo mashkikiin nakiimigadoon



Gikendaasowin miinwaa maashkiki debwewin waabmdowemigad jitawaaganiwinan ji-onji-aakozising aga naadmaagwan gnowenimigiwin owi onji COVID-19. Ganowaabajigewinan age waabmdowemigadoon gewe bemaadizijig agaa debinamiwaad jitawaaganiwinan ji-onji-aakozising woshme bangii gichi aakoziwin ada yaanaa-aa giishpin aakoziikaagiwaad COVID-19.

Ashowizo-mashkikiin Waankiiwendaagodoon



Newen goweta ashowitzo-mashkikiin debwewendaagwog **waankiiwendaagwog**, nishin miinwaa **ishpaamigag** yaawong bagidinigaadenon awii nikaazang maampii Gaanada. Newen COVID-19 ashowitzo-mashkikiin gagetin agii ndakenjigaadenon epiichi zhichigaadeg miinwaa weweni agii aanji ndakenjigaadeg owi Mina Bimaadiziwin Gaanada.

Newen ashowitzo-mashkikiin gaawii gdaa miinigosiin COVID-19 zaam gaawii digosizinon owi aakoziwin-manijoozhens enji miigwemigag owi. Newen ashowitzo-mashkikiin gaawii gashkitosiinaa-aa awii aanjitowaad gdo DNA.



mRNA ashowitzo-mashkikiin wiindamowaan gdo gaa-agaasing gaa-onji maajiigig bimaadiziwin owi nikii-aa awii zhitowaad corona aakoziwin-manijoozhensag miijimi wiisgaabo. Owi miijimi wiisgaabo ada maajiishkaaton gaa-naadamaagoying aakoziwining age gnowenimigiwin owi awii bwaa debinaman COVID-19.

Viral vector ashowitzo-mashkikiin ado nikaazinaa-aa aakoziwin-manijoozhens agaa zhichigaadeg awii bwaa aakoziikaagiwin awii zhitoomigag corona aakoziwin-manijoozhensag miijimi wiisgaabo gwiiwiwin bwaa miigwemigag aakoziwin. Zhaazhowaaj agwa mRNA ashowitzo-mashkikiin, maanda miijimi wiisgabo ada maajiishkaaton e'naadmaagijing aakoziwining age naadmaagemigag awii gnowenimigiwin owi onji COVID-19.

Aabajitaan naagidowin bemaadizijig mina bimaadiziwin inaknigewinan



COVID-19 ashowitzo-mashkikiin gichi piitendaagodon nikaaziwinan awii nigaasiji gaadeg maanda miziwe kamig aakoziwin. Nongo megwaa, aabdeg gwa yaa-aabi gwii naagidonaanin bemaadizijig mina bimaadiziwin inaknigewinan awii naazhinigaadeg sweshkaamigag COVID-19 miinwaa bimaajiwemigag.

Gichi kiing, kiinsing miinwaa waasa wekamig gimaawiwinan ada aabajitwaawog awii dibaamdamiwaad owi niizaanag COVID-19 awii sweshkaamigag ado odenwinwaan. Inaknigewin ada aanjibiigaadenon ani bimiseg woshme minik bemaadizijig debinamiwaad jitawaaganiwinan ji-onji-aakozising, miinwaa woshme awii gikendamang owi gikendaasowin. Kina gwa gwaya ado ginowaabmdaan niigaan ani aawang apii maamowi awii yaawing. Apii dash owi zhiwebak, aabdeg gwa gwii gnowendizimi, memdage agwa gewe yaa-aabi e'niizaanziwaad awii gichi aakoziwaad owi onji COVID-19.

Debinan Debwewinan Zhaan Canada.ca/covid-vaccine woshme gego awii gikendaman.